

**Aalisarnermut aningaasaliissutinut immikkoortitat pillugit Inatsisartut inatsisaata
allannngortinneqarnissaanut siunnersuut**

(Tapiisarnermut tunngavissanut allannngortitsineq)

Saqquumiussisoq Aalisarnermut, Piniarnermut Nunalerinermullu Naalakkersuisoq

pillugu

Aalisarnermut, Piniarnermut Nunalerinermullu ataatsimiititaliap

ILASSUTITUT ISUMALIUTISSIISUTAA.

Siunnersuutip pingajussaaneerneqarnerani saqqummiunneqartoq.

Aalisarnermut, Piniarnermut Nunalerinermullu ataatsimiititaliap suliariinninnerani ilaasortat uku ilaapput:

Inatsisartunut ilaasortaq Aqqaluaq B. Egede, Inuit Ataqatigiit, Siulittaasoq
Inatsisartunut ilaasortaq Niels Thomsen, Demokraatit, Siulittaasup tullia
Inatsisartunut ilaasortaq Juliane Henningsen, Inuit Ataqatigiit
Inatsisartunut ilaasortaq Hans Aronsen, Inuit Ataqatigiit
Inatsisartunut ilaasortaq Karl Lyberth, Siumut
Inatsisartunut ilaasortaq Hans Enoksen, Siumut
Inatsisartunut ilaasortaq Finn Karlsen, Siumut

Siunnersuutip aappassaaneerneqarnerani inatsisissatut siunnersuut saqqummiunneqartoq Ataatsimiititaliap isumaqatigiittup akuerisassanngortippaa.

Peqatigitillugu Ataatsimiititaliap isumaqatigiittup Naalakkersuisut kaammattorpai pingajusaaneerinninnermi inatsisissatut siunnersuummut allannnguutissatut siunnersuummik saqqummiussissasut, taamaalillutik aalisartut angallammik nutaanngitsumik isaterinissamut tapiissutinik qinnuteqarsimasut immaqalu aalisartut allat peqatigalugit umiatsiamik nutaamik pissarsinissamik kissaateqartut akuersissutertik pigiinnarsinnaassallugu.

Tamanna tunuliaqutaralugu siunnersuut aappassaaneerneqarmat siunnersuutip pingajussaaneerneqannginnerani Ataatsimiititaliami nutaamik suliarineqassasoq innersuussutigineqarpoq.

Siunnersuutip Ataatsimiititaliamit suliarineqarnera

Ataatsimiititaliap iluarisimaarlugu maluginiarpaq Ataatsimiititaliap allannguutissatut siunnersuuteqaqqusilluni kaammattuuta Naalakkersuisut malissimagaat. Ulloq 12. november 2011 Ataatsimiititaliaq allannguutissatut siunnersummik tigusaqarpoq, taassumalu kinguneraa inatsimmun atuuttumut § 16a nutaaq ilanngunneqassamat.

§ 16a nutaaq pillugu Naalakkersuisut allannguutissatut siunnersuutaat saqqummiunneqartoq Ataatsimiititaliap isummesorfigaa, siunnersummullu ima oqaassisqaarluni:

Ataatsimiititaliap maluginiarpaq isaterinermut tapiissutinik tunniussinermut tunngavilersuut pingaaruteqartoq tassaasoq angallatit pisoqalisimasut ullutsinnullu naleqqukkunnaartut qaqgumulluunniit aalisarunnaarsinnejarnissaat, taamaaliornikkut aaqqissuussaanermik naleqqussaanermut aalisariutillu ikilisarnerannut aalisarnermi pisariaqarluinnartumut ilapittuutaassallutik. Taamaattumik angallataatilinnut qaququmulluunniit aalisarunnaarniartunut taarsiutitut aningasatigut iluaqtissiissummik inatsimmi ilanngussisoqarpoq.

Siunissami isaterinermut tapiissutinik akilerneqarnermut atatillugu Ataatsimiititaliaq isumaqarpoq aalisarnermut akuersissutip akuersissutillu allat pigiinnarnissaat periarfissaassasoq. Pingartumik Ataatsimiititaliaq isumaqarpoq angallatinik mikinernik pigisaqartut arlallit angallataataat isarterneqareerpata kattullutik angallammik nutaamik, anginerusumik imminullu akilersinnaanerusumik pisaarniarneranni tamanna perarfissaasariaqartoq.

Taamaattorli Ataatsimiititaliap kissaatigaattaaq inuup ataatsip angallat nutaanngitsoq isatertikkuniuk kisimiillunilu piginnittutut angallammik nutaamik imminut akilersinnaasumik pisaaruni, aalisarnermut akuersissutit akuersissutillu allat pigiinnarsinnaanerannut perarfissaq ammaanneqassasoq.

Ataatsimiititaliaq isumaqarportaaq angallatip nutaajusup toqqaannartumillu umiarsualiorfimmit nioqquqteqartartumilluunnit tunniunneqartussaanera pinngitsooranii pisariaqartuuusariaqanngitsoq. Ataatsimiititaliaq isumaqarpoq tunngaviatigut angallat nutaajussasoq, kisiannili aamma angallammik nutaajunerusumik angallammut nutaaliamut ingeralluartumullu piumasaqaatinik naammassinnissimasumik pisaarnissamat perarfissiisoqartariaqartoq. Tamatumunnga atatillugu Ataatsimiititaliaq isumaqarpoq

angallatinut nutaajunerusunut siuliani taaneqartutut angallatinut nutaanut naapertuussinnaasunik Naalakkersuisut erseqqinnerusunik piumasaqaasiortariaqartut, taamaalilluni inatsisip sanioqqunneqarsinnaaneranut siunertaq pinngitsoortinneqarluni.

Tamanna tunngavigalugu Ataatsimiititaliap piumasaraa 2012-mi upernaakkut katersuunnermut Ataatsimiititaliap kissaataanut naapertuuttumik Naalakkersuisut allannguutissatut siunnersuusiussasut.

Allannguutissatut siunnersuutip allaffissornikkut aningaasarsiornikkullu sunniutissai:
Naalakkersuisut naatsorsuutigingilaat allannguutissatut siunnersuut saqqummiunneqartoq pisortanut allaffissornikkut aningaasatigullu sunniuteqassasoq.

Ataatsimiititaliap inassutai

Ataatsimiititaliap isumaqatigiittup allannguutissatut siunnersuut pingajussaaneerinermi saqqummiunneqartoq itigartinneqassasoq **inassutigaa**.

Ataatsimiititaliap isumaqatigiittup inatsisisstatut siunnersuut pingajussaaneerinermi isikkumisut akuerineqassasoq **inassutigaa**.

Ataatsimiititaliaq isumaqatigiittooq peqatigitillugu 2012-mi upernaakkut katersuunnermut atatillugu inatsisisstatut siunnersummut Naalakkersuisut allannguutissatut siunnersummik saqqummiussissasut **kaammattuuteqarpoq**, tassani angallammik piginnittoq angallatip isaternissaanut tapiissutinik qinnuteqarneranut peqatigitillugu aamma nutaamut imaluunniit tassunga atatillugu angallammut taamaaqataanut qinnuteqaammik nassiussimappat aalisarnermut akuersissutip akuersissutilu allat piginnittumit pigiinnarneqarsinnaanerat ammaneqassalluni.

Aqqaluaq B. Egede
Siulittaasoq

Aqqaluaq B. Egede
Aqqaluaq B. Egde
Siulittaasoq

Niels Thomsen
Niels Thomsen
Siulittaasup tullia

Hans Aronsen
Hans Aronsen

Julliane Henningsen
Julliane Henningsen

Karl Lyberth
Karl Lyberth

Finn Karlsen
Finn Karlsen

H. Enoksen
Hans Enoksen